

URNOS TI PANAGDAYAW

PRELUDIO: (agpasango dagiti agakem ken masindian dagiti candela ti altar)

PANGLUKAT A KANTA: “Maitan-ok”
(Majesty)

*Maitan-ok ni Jesus maitan-ok,
Pagrukbaban, madaydayaw.
Maitan-ok agari, agturay;
Diay tronona, dayawna intay ikanta.*

*Maitag-ay ti kangatoan nagan ni Jesus,
Umay kay dayawentay Kristo nga ari!
Maitan-ok ni Jesus maitan-ok,
Ta nagungar nga ari dagiti ari.*

****AYAB TI PANAGDAYAW:** (naadaw ti Isaias 12:1-6)

Ministrto: Dumtengto ti aldaw nga ikanta ti tunggal tao:

Pangulo: “Idaydayawka, O Apo; Sika ti mangisalakan kaniak, agtalekak Kenka ket awan pagbutngak.

Pangulo: Ti Apo ti mangted iti bileg ken pigsak, wen, isu ti mangisalakan kaniak.”

Ministro: Dumtengto ti aldaw nga ikanta dagiti tattao:

Pangulo: “Agyamanakayo iti Apo! Ibagayo kadagiti amin a nasion ti inaramidna ! Ipakaammoyo kadakuada ti kinatan-okna!
Gimong: Kantaanyo ti Apo, gapu kadagiti naindaklan nga aramidna. Iti entero a lubong, ipadamagyo ti natan-ok a gapuananna.

Amin: Agpukkaw ken agkanta koma dagiti amin nga agnaed ti Sion! Naindaklan ti Nasantoan a Dios ti Israel, ket agnaed iti sidong dagiti tattaona.”

****INBOKASYON:** Pangulo

****HIMNO TI PANAGDAYAW:**

“Naragsak Kam Nga Agdaydayaw”
(Joyful, Joyful, We Adore Thee)

*Naragsak kam nga agdaydayaw, Dios ti Gloria ken ayat,
Pusomi kas man sabsabong, sangoanam apagukrad;
Ulep ti basol waknitam, yadayom panagduadua,
Sica, gubuayan ti ragsak, itdem silaw iti biag.*

Amin dagiti pinarsuam, umay dita sanguanam,

*A mangidaydayaw kenca ti awan patinggana;
Talon, baker, tanap, bantay, nalangto a mulmula,
Tumatayab agkankanta, Kenca agdaydayawda.*

*Agkaykaysatayo amin, mangitan-ok dayawna,
Naammaan nga ayatna, kadatay mamagkaysa;
Agkantatayo a kanayon, sibaballigi ken basol,
Ti naragsak a misuka, balligi biag itdenna.*

AYAB TI PANAGBABAWI:

Pangulo: Kakabsat bigbigentayo dagiti basbasoltayo tapno maikaritayo a makipagambak kadagiti nasantuan a ministerio.
(kanito a panagulimek)

KARARAG TI PANAGBABAWI:

Sungbat A Kanta: “Dinak Lipatan, Jesus”

*Dinak labsan ken lipatan, Jesus nga imbag;
Sudim adu ti aglak-am ket imdengannak*

*Coro: Kristo, kristo, denggem timekko
Asim, Mannubbot, itedmo denggem asugko.
Amen!*

PAMMATALGED ITI PAMMAKAWAN ITI DIOS:

Pastor: Gapu ta ti Apo isut’ napudno ken naimbag, ket isuronanto dagiti managdakdakes iti dalan a surotenda. Ti apo idalannanto ida a sipakumbaba iti umno a dana iti pagayatanna.

Gimong: Isuronakami kadagiti daldalanmo O Dios, aramidennakami a mangammo Kenka.

Pastor: Kaasiannatay koma ti mannakabalin a Dios, ket kalpaskan ti pannakapakawan dagiti basbasoltayo, ipannatayo iti biag nga agnanayon.

PANNAKAYALLATIW TI KAPPIA: (Iyallatiw tayo ti kappia ken talna babaen iti panangkanta ti O I Love You...)

KABLAAW KEN DAMDAMAG PAKASEKNAN TI IGLESIA:

KARARAG DAGITI TATTAO:

DAGITI SASAO TI APO:

****Manipud iti Nasantuan a Surat**

**** Thy word is a lamp unto my feet and a light unto my path**

Babaen iti Mensahe ti Kanta

Pannakailawlawag ti Sao

PANANGIDATON TI BIAG KEN PAGYAMAN:

Pangulo: Iyegtayo dagiti datontayo iti sangoanan a kas panangidatontayo met dagiti bagbagitayo a sibibiag, nasantoan ken makaay-ayo kenkuana.
(panagited cadagiti pagyaman ken sagsagut)

KANTA TI PANANGIDATON: “Agyamanak Kenka”

Agyamanak Kenka, Mannubbot ken Diosco
Siak ket inayat mo, salakan intedmo.

Coro: Ti la maidatonko Kenka Mannubbotko
Ti amin a biagko, kararua ken puso
Ta saan nga umdas ti ar-aramidko
Balitok ken pirak, sanikua nga adu
Ti laeng dawatek ket awatem koma
Bassit a daton ko, aramatem O Ama
Ta awanen sabali a pangsubalitko
Dakkel nga ayatmo.

Saanko maawatan, apay nga inayatnak
Tao a kas kaniak, awan pakaikariak.

(coro)

****DOKSOLOHIYA**

****KARARAG TI PANANGIDATON:**

Amin: Naindaklan ken mannakabalinka, nadaeg, nadayag ken natan-okka. Kukuam amin nga adda sadi langit ken ditoy daga. Sika ti ari ken kangatoan a mangituray iti amin. Sika ti pagtaudan ti amin a kinabaknang ken sanikua, sika ti mangituray iti amin. Addaanka ti pigsas ken pannakabalin ket sika ti mangitan-ok ken mangted iti pigsas iti amin. Ita, agyamankami kenka, O Diosmi, ket idaydayawmi ti nagloriaan a nagannamo. Nupay, kasta, tapno kabaellanmi nga ited kenka dagitoy? Sika met laeng ti naggapuan dagitoy a sagut ket isublimi laeng ti kukuam. O Apo a Diosmi, inyegmi amin dagitoy a sanikua, ngem naggapuda amin kenka ket kukuam ida. Amen. (1 Cronicas 29: 11-18).

****HIMNO A PANAGSERVI: "Inka ken Kristo, Dika Agtaktak"**

Inka ken Kristo, dika agtaktak,
Ta isu adda dita arpad
Awisennaka a siayat
Kunana, "umayka"

Coro: O, amangan a nagsam-itda
Timekna a pangayab kenka
Dika bumdeng mapankan ita
Ur-urayennaka

Awan sabali a makaikkat
Iti lidaymo ken dandannag
Suktannat' adu a ragragsak
Kunana, "umayka" (coro)

Dika bumdeng, inka itaklin
Basbasolmot' inka itaklin
Pakawan kenkat' inna itden
Kunana, "umayka" (coro)

****PANGSERRA A KARARAG:**

PAMENDISION:

Sungbat: (tuloy ti "Inka ken Kristo, Dika Agtaktak")

No kunam, "inton madamdama,"
Ngem amangan no maladawka
Kabsat, inkan ken Kristo ita
Kunana, "umayka" (coro)

POSTLUDIO:

"Enter to rejoice, depart to serve"

Church Bulletin

Welcome!

Kablawandakayo babaen ti presensia iti Apo bayat ti panagmaymaysatayo iti daytoy a Domingo. Sapay koma ta maaddaantayo manen ti baro ken nasangsangngayan a kapadasan iti panagdaydayaw tayo.

Note:

"You can add News or Updates of the church in this space and placed some parts of the liturgy: for example the worship participants and the church name for the front cover, and likewise you can change the Hymns or songs if you prefer another one."



**UNITED CHURCH OF CHRIST IN
THE PHILIPPINES
North Luzon Jurisdiction
March 12, 2017**

*B*ut the earth will be filled
with the knowledge of
the glory of the Lord,
as the waters cover the sea.

—Habakkuk 2:14



WORSHIP PARTICIPANTS

*Liturgist:
Scripture Reader:*

Administrative Pastor

